

Y chwe mis cyntaf: ein Fframwaith Ariannu Strategol

06/08/2019



Mae chwe mis wedi mynd heibio ers i ni lansio ein henw, strwythur grantiau a Fframwaith Ariannu Strategol newydd sbon. Dyma beth ddigwyddodd.

Mae 2019 wedi bod yn flwyddyn gyffrous i Gronfa Dreftadaeth y Loteri Genedlaethol.

Ym mis Ionawr fe wnaethon ni [newid ein henw a'n brandio](#), yn ogystal â'r ffordd yr ydym yn gweithio ac yn dosbarthu ein grantiau.

Bellach mae gennym [raglenni ariannu agored](#) ar gyfer pob math o dreftadaeth, o £3,000 i £5miliwn. Ym mis Mehefin lansiodd [Grantiau Treftadaeth Gorwelion](#), grantiau newydd uchelgeisiol gwerth mwy na £5m a fydd yn buddsoddi £100m dros y tair blynedd nesaf mewn prosiectau gwirioneddol gyffrous ac arloesol.

Mae hyn i gyd yn rhan o'n [Fframwaith Ariannu Strategol 2019-2024](#), sy'n amlinellu ein cynllun i ganolbwyntio ar natur, cymunedau a sicrhau bod yr holl dreftadaeth mor gynhwysol â phosibl.

Rhannu p?er ledled y DU

Rydym hefyd wedi datganoli ein strwythur i roi mwy o b?er i'r bobl sy'n gwneud penderfyniadau ar draws rhanbarthau a gwledydd y DU. Ein hardaloedd newydd yw:

- Cymru (dewch o hyd i ni ar [Twitter](#))
- Llundain a De Lloegr (dewch o hyd i ni ar [Twitter](#))
- Canolbarth a Dwyrain Lloegr (dewch o hyd i ni ar [Twitter](#))
- Gogledd Lloegr (dewch o hyd i ni ar [Twitter](#))
- Gogledd Iwerddon (dewch o hyd i ni ar [Twitter](#))
- Yr Alban (dewch o hyd i ni ar [Twitter](#))

A chofiwch ein dilyn ni ar [Twitter](#), [Facebook](#) ac [Instagram](#).

Grantiau rydym wedi'u gwneud hyd yma

Rydym eisoes wedi gwneud rhai cyhoeddiadau cyffrous iawn am grantiau.

Bydd **Llundain a De Lloegr** yn rhannu £8miliwn ar draws chwe phrosiect gan gynnwys Casgliad Pryfed Prydain yn Amgueddfa Hanes Naturiol Rhydychen ac adfer Eglwys Blwyf Sant Marylebone. Darllenwch fwy yn ein [stori newyddion](#).

Caiff mwy na £5.1m ei roi i **Ganolbarth a Dwyrain Lloegr**, gyda chyllid ar gyfer Parc Wicksteed yn Kettering ac i achub eglwys blwyf Eingl-Sacsonaidd Sant Wilfrid yn Barrow-on-Trent. Darllenwch fwy yn ein [stori newyddion](#).

Yng **Ngogledd Lloegr**, mae pecyn gwerth £10m o grantiau yn cynnwys Amgueddfa newydd ar gyfer Blackpool a chyllid i adfer cynefinoedd coetir yn Durham. Darllenwch fwy yn ein [stori newyddion](#).

Yn **yr Alban**, bydd £3.5m yn mynd tuag at brosiect cadwraeth enfawr dan arweiniad gwirfoddolwyr ar draws rhanbarth Cwm Forth ac adfywio canol tref ganoloesol Inverkeithing. Darllenwch fwy yn ein [stori newyddion](#).

Disgwylir i **Gymru** elwa o fwy na £4m, gan gynnwys arian ar gyfer ei thirweddau prydferth. Darllenwch fwy yn ein [stori newyddion](#).

Beth nesaf?

Mae 2019 hefyd yn nodi 25 mlynedd o'r Loteri Genedlaethol yn gwneud gwahaniaeth anhygoel i brosiectau ledled y DU – darganfyddwch fwy am ein [Dathliadau Pen-blwydd](#) yn 25 oed a sut i [rannu eich straeon ar gyfryngau cymdeithasol](#).

Sut i ymgeisio

Os oes gennych ddiddordeb mewn ymgeisio, [dysgwch fwy am yr hyn yr ydym yn ei ariannu](#), ac edrychwch ar ein [prif gynghorion](#) ar gyfer gwneud cais am Grantiau Treftadaeth Gorwelion, hefyd.